


汶志紀略



嘉慶乙丑夏五月新鐫

汶志紀略

藥石山房藏版

汶志紀略叙言



汶無志或曰大江奔流九石而一
土地分邊徼無可志或曰一統志
志之通志又志之無庸志似也固
將言之降宅之功成於敷奠疏導
之事起自南條岷山導江四瀆之
首禹以汶人而先岷事書嘗登岷

敘一

山睨江水崢嶸詭譎澎湃奔騰雪
山霞嶺環繞乎其外九龍天彭蔓
延乎其內縱橫排界竊有異焉古
人謂清氣為天濁氣為地天一而
地體三三者何水土石也易象為
土者一為山者一為澤為水者二
經世書地分剛柔水土石各一故

禹貢稱奠高山大川為地之平成
而中庸稱生物不測亦以見山水
之廣大也今蜀之人曰吾冬宜麥
夏宜穀高燥宜禾卑溼宜稻山有
礦水有鹽錦則稱江粟亦號海金
流沙底木拱岩邊包羅水陸之珍
充仞車舟之利睇夫靈秀之發洩

叙二

怪々奇々布以火浣絲以露浣鱗
燒於灰蠟生於樹不灰之木夏草
之蟲地下取油井中出火雖蜀都
不能賦其全華陽未足志其略也
物固有之人亦宜然犢鼻而賦齒
餅而元夢聖傳經著元比易至於
伯生南嶽之神太白入懷之月文



同能鬼蘇軾為奎崇伯也而黃龍
望帝也而杜宇道士化鶴太守鬪
牛種々奇人咄々恠事凡此皆山
川之發育地氣然也善夫郭景純
之言曰總其所以華鼓之於一響
成其所以變混之於一象陽火出
於水水陰衆生於安山故胡人見

叙三


布而疑廢越人見蜀而疑毳異也
亦常也此全蜀之所同而非汶人
之所獨也夫江水之盛聚於蜀江
岷之源起於汶汶之地少土而多
石々氣剛烈迥異尋常若大禹神
人而汶生焉豈不異甚今灌之人
曰蠶崖吾闔也威之人曰玉壘吾


山也石泉之人曰石紐吾地也不
惟邑之疆界無分即神靈誕降之
異而亦不著也是不可以不志見
菴李錫書謹述

嘉慶十年春二月朔日





地輿圖 輿輿圖 輿輿圖





石紐山剗兒坪圖





汝志紀略目錄

山右見菴李錫書纂述

邑貢生高從孔孟其敏編刻

卷一

疆域

建置

城邑

附職官

關隘

汝志紀略

卷首目錄

一

附橋梁

驛站

鋪遞

營汛

塘遞

卷二

賦役

附倉儲

鄉里

權法

學校

附書院

祀典

附寺院

卷三

選舉

孝義

風土

汶志紀略

卷首目錄

二

附物產

山川

卷四

古蹟

附八景

藝文

瓦寺土司

附西路土司

汶志紀略

卷一

山右見菴李錫書纂述

門人尚崇山孟維世仝校

疆域

原夫天開景慶地一車書人遊華宇物効勲階山
陬海隅之鄉甘雨和風之會皇與備覽王會呈圖
汶邑東界灌口西限大江北交茂州南極江外江
外三道自保關渡索橋為理番界自桃關渡索橋
為瓦寺地與沃日界自中灘堡入口行九十里至

汶志紀略

卷一 疆域

一

跟達橋與驛道合江內大道上通松潘環山繞水
絕壁天梯分縣設官司牧其地山川形勢人民風
俗限以地域為之疆圉志疆域

天文分野益州為參分通志載茂州在井鬼之分入
參宿一度當鶉首之次河圖括地象曰岷山之下為
井絡

汶邑在蜀省西徼前代多以大江限內外今江外皆
置吏其幅幘則南北二百里東西亦不減二三百里
汶川地境袤一百九十五里廣不計里東界東岷山

與綿竹山峰相連東南接彭縣山界南接灌縣漩口
西南接崇慶州山界西接西岷為瓦寺土司北接壤
茂州東北界九峰山交茂州馬廠西北界雜谷 國
初下水里滋茂鄉編入灌邑之筏村兩山夾江大江
以東上至青坡茂州之榮秀山抵魚潭灣下至珠腦
壩沈家灣馬鹿頂沿崗俱接灌縣白沙溝嶺徑至九
峯之南鐵船河交彭什二邑之山脊大江以西沿江
直下至漁子河止前山俱屬縣治後山俱屬瓦寺漁
子溪河南岸屬灌邑以上至保縣之城塹止保城係
汶志紀略

卷一 疆域

二

借地置邑城內與汶川輸糧

邑在茂州南一百三十里東至灌縣界一百四十里
西至瓦寺界二十里南至灌縣界一百二十里北至
茂州界五十里

總志云氏羌極北全蜀巨屏山路七盤石岩多險
按縣界北至青坡茂州界五十里南至珠腦壩灌縣
界一百四十里東皆千山萬嶺夏猶積雪從無人居
相其地形與石綿彭三邑相近西至瓦寺屬草坡六
十里番夷出沒高崗嶺峻再西行四百餘里抵卧龍

關至巴郎山頂與沃日界

按汶邑形勢東西兩山中流大江川之方象則乾巽
相對坎艮震離坤兌皆山屏環列其乾巽則江流之
道居民皆在兩岸與山上

建置

周禮縣州都鄙皆在畿甸外秦廢封建為郡縣後世因之蜀郡起於秦前則荒服也秦始設太守領全蜀漢時漸置州縣汶川置縣最早沿及於明沿革損益歷年不廢獻賊之亂燬棄無存文獻無徵事難備考 國初始因舊治立縣城池官署漸漸而脩然邊鄙彈丸事多因陋蓋限於地勢而將事者亦多難於修舉云 楊升菴曰岷字說文作愍省作岷漢人隸書作汶多與汶上之汶相混列子

汶志紀略

卷一 建置

四

貉不踰汶為川江非汶上也司馬溫公類篇謂汶音岷史記引禹貢皆作汶蓋古通用五代史徐無黨註汶讀作岷

汶治舊為蜀山氏地周末時為冉駹夷人地漢綿虎縣屬蜀郡東漢綿虎道蜀漢置汶山郡晉改綿虎縣曰汶山東晉郡徙都安而縣廢周置汶川縣仍於縣置汶山郡隋廢郡唐以汶川縣屬茂州宋熙寧九年即縣置威戎軍使政和六年改延寧軍宣和三年廢軍為砦南宋以汶川縣屬茂州元至元十九年以戶